

## FILOZOFIJA PRAVA

Obavještavaju se redovni / DL studenti četvrte godine - Opće Pravo - koji slušaju predavanja iz predmeta - Filozofija prava - da su obavezni za parcijalni ispit napisati esej na jednu od ponuđenih tema. Kada student bude odabrao jednu od ponuđenih tema, on će potom kod kuće napisati esej obima 10 do 12 stranica i tako napisani tekst predati predmetnom nastavniku u terminu planiranom za parcijalni ispit iz predmeta filozofija prava.

### Teme za esej za parcijalni ispit iz predmeta filozofija prava:

1. Predmet i metod filozofije prava,
2. Svrha prava - Rosko Paund,
3. Vrijednosno određenje prava,
4. Normativno poimanje prava,
5. Kulturno shvatanje prava,
6. Dogmatska interpretacija prava,
7. Božanski i moralni smisao pravde i pravednosti,
8. Aristotelovo poimanje pravde,
9. Ideja prirodnog prava kod sofista,
10. Kategorički imperativ Imanuela Kanta,
11. Pojam pravde kod Hansa Kelzena,
12. Osnovne crte filozofije prava kod Hegela,
13. Teorija argumentacije ili nova retorika i analiza pravde i razuma,
14. Racionalno određenje prirodnog prava,
15. Integralistički i holistički odnos prirodnog i pozitivnog prava,
16. Pojam socijalne pravde u teoriji Džona Rolsa,
17. Aksiološko učenje o pravu i pravnoj nauci - Hartmann,
18. Filozofija o „prirodi stvari“ i obnova prirodnog prava,
19. Socijalna etika i pravo,
20. Socijalni utilitarizam u pravnoj teoriji - Rosko Paund,

### Instrukcije za pisanje eseja

Pisanje eseja često može biti naporno i uzrokovati probleme ukoliko vam nedostaje kreativnosti i imaginacije, te iz toga razloga dajemo Vam nekoliko instrukcija koje su potrebne za kvalitetno pisanje eseja.

### Istraživanje

Prije nego počnete pisati esej, potrebno je istražiti moguću temu. Kada se sadržajno upoznate s temom, tada ćete moći tekst eseja napisati vlastitim riječima bez potrebe za prepisivanjem ili preuzimanje teksta bez navođenja izvora. Koristite internet, naučne časopise koji obrađuju temu i naravno biblioteku kako bi ste pronašli informacije koje su

vam potrebne. Kada završite istraživanje, potrebno je da napravite prvi korak kod pisanja teksta eseja.

### Analiza

Kada ste završili sa istraživanjem teme i prikupili sve potrebne informacije o temi o kojoj želite da pišete, potrebno je da analizirate argumente vaše teme. Definišite razloge zašto pišete esej, glavnu esenciju eseja i isto tako pronađite sadržajne deficite teme koje biste mogli dublje analizirati. Isto tako za sebe možete sastaviti listu gdje ćete vizualno apostrofirati ključne pojmove i kategorije kojih se želite tokom pisanja rada dotaknuti. Uzmite najbolje pitanje, pojam ili kategoriju koja vam padne na pamet i iskoristite je kada pišete esej. Pojmovi i kategorije su zapravo suština teme o kojoj pišete.

### Sadržaj eseja

Napravite skicu vašeg rada prije nego počnete pisati tekst. Jednom rečenicom opišite odjeljke koje ćete pisati kako biste jednostavnije započeli pisanje. Isto tako sebi skicirajte sadržaj kako biste lakše pratili tok pisanja.

**Svaki esej treba da sadrži:**

#### ➤ UVOD

- Tema eseja, naslov eseja i obrazloženje teme,
- Radna hipoteza eseja koja se odnosi na temu,

#### ➤ RAZRADA ESEJSKE TEME

- Dosadašnja razmatranja o temi eseja,
- Stavovi i promišljenje drugih autora o temi,
- Vlastiti stavovi u vezi sa temom,
- Kritički osvrt na stavove i mišljenje drugih

#### ➤ ZAKLJUČAK

#### ➤ LITERATURA

### Uvod

Vaš esej trebate započeti uvodom kako bi čitalac znao što je tema i smisao pisanja. U uvodu potrebno je obraditi temu i naslov eseja, obrazložiti temu i postaviti radnu hipotezu.

### Odjeljci

Odjeljci su izrazito važni u svakom eseju jer rad tako dobiva na preglednosti i lakše se čita. Svaki odjeljak koji pišete trebao bi se fokusirati na analitičku radradu vaše teme. Kod razrade eseja potrebno bi bilo obratiti pažnju na slijedeće: dosadašnja razmatranja

o temi eseja, stavovi i promišljanja drugih autora o temi, vlastiti stavovi o datoj temi, kratki osvrt na stavove drugih autora vezano za temu.

### Zaključak

Koristite zaključak kako biste u skraćenom obliku naveli sve što ste pisali u svom radu. Isto tako, u zaključku se piše kratki rezime i dedukcija najvažnijih spoznaja o tematici eseja i pruža se odgovor na radnu hipotezu. U zaključku eseja treba apostrofirati da li je njegova radna hipoteze dokazana ili odbačena.

### Literatura

Na kraju teksta navodi se literatura koju je student koristio kod pisanju svog eseja.

**Termini za predaju eseja za pracijalne ispite su:**

**Redovni studenti - termin predaje eseja je 21.11.2019.**

**DL studenti - termin predaje eseja je 13.11.2019.**